

A2<sup>r</sup>

## Vorrede.

Alle werck vnfers Gnedigen Gottes vnd Vaters/ gñntiger Lefer/ feind gantz wunderbarlich/ vnd alle dem menfchen zũ gñttem/ daß er jn den Schöpffer/ feinen gwalt vnnd herrligkeyt in der felbigen erkennen/ fürchten/ jm vertrauen jn vereeren/ vnd on vnderlas preifen/ loben vnd danckfagen folle/ erfchaffen. Aber vnder allen leiblichen gefchöpfen Gottes gwalt vnd weißheyt am nechften erfcheinet/ wie Daudid bezeugt. Die himel erzeelen die Ehr Gottes/ vnd das Firmament verkündet feiner hend werck/ Was ift menfchlicher vernunfft wunderbarlichers/ als daß das Firmament fich on vnterlaß beweget/ herumb laufft/ alles gefirn mit fich herum berfüret/ Zeit/ Tag/ Monat vñ Jar vnderfcheydet/ wermme/ kelte/ feuchtigkeyt vnd truckne/ auß ordnung des Schöpfers wircket/ Ja es ift kein ftern im Himel/ der fein verordnets werck von Gott zũ feinem lob/ nit mit aller krafft außbricht/ Solchs aber/ wie vnd wann es befchehe/ zum theyl zuerforfchen/ vnd eynen gemeynen verftandt zuerlangen/ ift die herliche Edele kunft Aftronomia nit wenig dienftlich/ welche des Hiemels vnd fternen lauff vnd influx leret. In welcher fich auch allerley nationen gelerten vff höchft vnnd fleyffigt/ folchs anzuzeygen geübt/ vnd bearbeytet haben/ Welche Aftronomie ins Teutfch zubringen fich ettliche vnfer Voreltern ernftlich befliffen haben difes aber nit der meinung (wie die vnuerftendigen wñhen) das man auff das gefirn an jm felbft fehen/ oder daffelb fürchten folt/ als es ettwas auß jm felbs in die jrdifchen körper würcken oder außrichten möge/ Neyn/ dann Gott feinen gwalt nit an das gefirn gebunden hat/ fonder er felbs wircket durch fie/ wie es jm gefellet/ zũ troft vnd gñtem feinen glaubigen/ aber zur ftraff der boßhaftigen vñ vbertretter feines worts/ 7c. Viel mehr hat Gott dife kunft/ darumb den menfchen kindern offenbaret vnd gegeben/ vff das durch erkentnus vnd anfchawung der Himelifchen creaturen/ Gott felbs/ der recht werckmeyfter/ vnd Chriftus der Herr durch welchen alles erfchaffen mit hertzen von jnen gefucht/ erfunden/ erkent/ gefürchtet/ geehret vnnd gelobet würde 7c. Vnnd wiewol/ von difer Aftronomie/ allerley büchlin zũ teutfch vormals im truck außgangen/ Hat doch kaum eynes (meines geringen achtens) die felbige in teutfcher fprach fo weit gefüret vnd erkläret/ als difes welches mir mein befonder gñt freund/ Hans Orth von Bacharach/ der Aftronomie liebhaber/ inn eynem feer alten gefchrieben buch/ allen teutfchen zũ gñtem/ zugeftellet hat/ in welchem du vieler

A2<sup>v</sup>

---

## Vorred.

ley/ vorab von Cometen/ vnd anderem vormals im truck zu teutfch  
nicht mehr gefehen/ finden würdest/ welches du/ gūntigerr  
lefer/ mit lefen/ Gottes groffen gewalt/ vnaußsprechliche weifz  
heynt vnnd vnendliche gūtigkeit/ inn feinen Himelischen wer  
cken/ mit lob vnnd danckbarkeyt erkennen/ mit forcht  
vnd befferung deines lebens/ betrachten vnd gebrauch  
en wōllest/ das verleihe dir Chriftus Jefus vn  
fer Heylandt/ Deffelbigen Gnaden  
hiemit befolhen.